

中年縣志

乾

地150-25

42

1-8



中牟縣志序

縣之有志猶國之有史也藉以表賢哲旌節孝紀禮俗傳  
文獻社會之變遷民生之困革胥於是焉徵知則其關係  
之重詎可言喻哉我國自辛亥革命以遠國事日非內亂  
頻仍倫亡法斁網墜紀弛以致農村破敗哀鴻遍野民生  
之艱困未除故文獻之脩整亦未暇計及也今者國是畧  
定政輪入軌政府乃明令省縣重脩志乘此蓋否極生泰  
剝極轉復之先兆乎本年二月予受命宰中牟問政之初  
悉本縣縣志經前任縣長薛君正清凌君士英計劃脩纂  
惜解組息促未竟厥功因聘前縣長桐柏熊紹龍君縣教

中牟縣志

序

一

中牟明德堂印

育局局長宋子殷君暨縣中士君子從事編纂凡五越月  
而脫全稿可殺青寫定予惟中牟縣志創脩於明正德九  
年嗣後則萬歷二十三年天啟四年續有纂脩迨清順治  
己亥脩志時則明志已不可復得矣而自清初以來一脩  
於順治己亥再脩於康熙乙卯三脩於乾隆甲戌率皆雲  
烟散佚莫可搜求今所依據乃同治九年邑令錢塘吳公  
若煥所脩之本體制美備數能增損故今茲之脩一仍吳  
之舊貫分為天時地理人事三編而圖表附見焉踵事增  
華去繁揭要其便閱覽益考核者為不少矣至於襄纂之  
功草創者杜君滋旃也總纂潤色者熊君紹龍也採訪者





全縣士君子也予則自愧無能為役樂觀厥成而已  
中華民國二十四年七月上浣中牟縣長蕭德馨謹序

中牟縣志

序

二

中明德堂印



中年縣志序

中華民國十有五年夏間愚權知中年縣事者三十餘日從同年邑人辛肖棠君處借閱縣志係清同治九年知縣吳若娘脩本嗣軍事迭興地方不靖越四年國政始統一又四年即二十一年冬間宋子殷來汴相訪謂邑人擬重脩縣志屬愚任編纂役夫縣之有志如國之有史古人謂脩史須具三長才學識也愚不才無學無識何以編志繼而思之志者記實也徵信為本愚曾蒞年畧有所見聞捕實而紀之亦應負責任因向宋君表示同意宋君遠而取邑人杜滋旃君所擬志草及與役諸君採訪各稿併舊志

中年縣志

序

三

中明德堂印

若干卷以偕來時愚方疲於行役未暇校閱次年自春徂秋酷暑漸遠乃執筆而整理之就滋旃君所分類首志天時因自然也次志地理具形質也次志人事究變遷也附以圖表便檢查也噫世之脩志者每期博雅求美觀為縉紳學士所推重而非民衆所能普讀但留備各圖書館之陳列品耳愚則謂志應踏實俾生斯土長斯土者咸得知斯土之天時地理人事以適其生乃不為虛拘否則近於偽飾矣茲編雖陋惟不蹈虛憶愚仕魯治鄰城時隣蘇沐陽有作沐陽風土記者由縣署當時尚稱縣公署頒發各小學為必修課計卒業時適足讀竣邑中求學子弟得知本地方一



切狀況及鄉先民事蹟觀感興奮之情當所同具邁進時  
亦必能協力茲編之成倘亦適用於中牟小學課程乎尤  
所拳念云

民國二十有四年三月前知中牟縣事南陽熊紹龍



原序一

萬物師天地天地師自然古今治亂成毀極則必變變則必復而亦自然之理也彥芳蒞牟二日恭承大中丞賈撫軍檄脩邑志牟之志燬於兵燹三十年矣毀盡而後成可期亂極而今治可臻其將變而之復之候乎孔子言夏殷之禮徵文考猷古帝王有天下未有不相師者循厥事跡究厥精微徵其足不徵其不足此所以志也出胸中臆說無知而妄作孔子無取焉攷牟志一脩於明正德九年再脩於陳幼學先輩為萬曆二十三年三脩於天啟之四年今薦紳家無藏本父老不能言遺事按圖而索駿即不得

中牟縣志

序

五

中明德堂印

駿得常馬圖具在馬乃知常也如無馬何哉彥芳滋懼矣於是走一介秦晉之區而又東走鄒魯齊金幣南適吳越北適燕揭鼓求亡子不啻也藪無相依張乎不知所之終夜有求幽室中檝燭曷見彥芳滋懼矣同里徐子延壽者究心史學彥芳自京師挈僭來牟謂予曰昔之水火今之水火也披駝銅於棘中延壽任探驪珠於領下子大夫任時在孟夏烈日炎威徐子則筆彥芳則削徐子討論之彥芳脩飾之六閱月而志成今夫賁者飾也致飾至亨盡故受之以剝剝者剝也物不可以終盡剝窮上反下故受之以復復其見天地之心乎積陰之下天地生物之心幾於



滅息而至此乃復可見蓋消長相因天之理也陽剛君子之道長此其時乎大中丞公撫豫訪古賢者之所以治豫者治今之豫諸興利剔弊如何生聚如何教訓因革損益務必講求盡善而非郡縣志末由又復者反善之義也君子之道既復則漸以亨通澤於天下故謂復亨陽氣復生地中漸亨盛而生育萬物一也然此何非天運之自然也哉且夫所謂自然者天心人事物理合焉者也人不能與天違物不能與人違天不能與人物違况牟有天地日月之祥有山川封域之險有人物官師之序有禮樂誅賞有忠孝文章而謂予能與牟違哉河洛圖書在未有文字前

邱墳典索在既有文字後作者何容心焉遂其自然而已矣夫自然天地且師之而况於人乎司馬遷作史記述陶唐以來至於麟止不得金匱石室之藏不能成書說者才學識世罕有兼之故史才少周禮小史掌邦國之志縣志亦史也泥斯二者頭白可期汗青無日矣是志也成治亂成毀剝復之理亦祇還其自然而已矣彥芳亦何容心焉惟是無疆之大歷歸之朝廷不朽之盛名歸之大中丞公彥芳藉手得不辱命是則彥芳區區之誠也若夫不忘徐子采輯之功倘亦彥芳不没人善云爾謹序

清順治己亥知中牟縣事古閩吳彥芳謹識



原序二

中牟自兵燹以來舊志失傳幸前令吳君彥芳於叔灰洪流之餘採訪故老博蒐金石加以體裁編輯成書可稱巨觀矣但歲月遷移時勢變更有昔無而今有者有昔創而今因者有昔不暇舉而今得詳行者若不增輯續載事久而湮傳訛滋謬俾邑之父老子弟靡所觀感豈非莅茲土者不能興舉廢墜之過哉是歲之秋解元冉永光雅有同心進商績梓於予予唯唯爰取故版附以近事舉十七年來人物科目政治風俗興改盛衰之故隳然眉列存實黜偽字櫛而句比之條貫次序一循其舊即前志有未悉者

中牟縣志

序

七

中牟明德堂印

更為探蹟括隱補遺增闕訂亥辨魯魚信益求信疑復存疑庶井里之樂利永垂先後之人文並駕披覽之下不致有拱壁弗完之嘆矣付之剞劂如式補刊是役也蒼萃任勞者冉君也捐橐襄工者闔邑士大夫也若予則碌碌因人耳是為序

清康熙乙卯知中牟縣事高陽韓蓋光謹識



原序三

余幼讀東漢諸名臣傳見扶風魯大司徒令牟時化著三異古今稱最心竊羨之意流風餘韻必猶有存者嘗欲得牟志觀之以知其詳丁卯冬余自涇奉調來牟披覽舊志字多磨滅或依稀得諸行間或連篇累頁無復點畫可辨蓋此志脩於順治己亥再脩於康熙乙卯迄今已八十年矣其間治績之循良景物戶口之繁滋以及忠孝節義文人學士可以資觀感供則微者指不勝屈若不及時纂輯奚以備觀風者之采擇乎爰謀之司鐸王君急圖增訂會王師奏凱西陲戎行絡繹余身羈軍站有懷未遂庚午恭

中年縣志

序

八

中明德堂印

逢鑿與經臨脩營除道匆匆無須臾暇嗣又有博浪之役黃水為灾工務紛紜八閱月未遑寧處迨諸務甫畢遂復與司鐸王君謀及此而邑孝廉王子廷宣梁子三韓文學較子事本亦雅有同心授以累年所採訪者供其廩餼開館分輯正將訂其成而付之梓適余委署睢州越數月又奉鈞陽之檄旋又代篆許昌風塵鞅掌終無暇及夫余前未歷牟而欲觀牟志既恨無由今已任牟而欲成牟志又屢不果豈天之不欲成牟志耶抑牟志之成有定候而不可強耶迨至甲戌秋七月余由許回牟司鐸王君已擢去乃復延王子廷宣輩及諸生優於學者分類排纂至九月



始成完書而邑中紳士亦同善是舉協力以襄厥工工甫  
作有為余言者曰公此舉誠善第脩志原以述舊聞增新  
款備將來者之考核也今相其卷帙於舊本半歸刊落恐  
有罅漏而條例款式視昔日亦有異同能無嫌於變古歟  
或又曰不然舊本泛而寡要冗而失實今剛去繁蕪括其  
要領凡諸事有關本邑利弊者乃載之則工不勞而事易  
就文不繁而覽易竟且條例款式舉類分章隨裁辨體是  
變而得其中也抑又何嫌昔歐陽脩脩五代史文省於前  
事加於舊後人稱之諒我公亦同此意耳且公昔因魯公  
之治牟而欲觀牟志後之人亦必因公之脩志而愈欲觀  
牟志也竊容過此嘗哉余唯唯否否笑而謝之余惟喜志之  
有成而數年心力不致徒勞至於考索編摩之詳筆削校  
正之當又諸君子贊成之力也余何與焉  
清乾隆十九年知中牟縣事東武孫和相撰



原序四

先大父協揆公敬歷中外六持東河之節每歲巡視西行必自濟踰黃而汴歷京及索以歸紀其形勝若煇披攷置原知詩所詠東有甫草為周宣王巡狩所及蓋今之中牟地也國朝以來布政司治祥符距牟僅數十里巋然為省西巨鎮其山川民物宜何如雄富殷繁耶咸豐己未若煇需次來豫每奉檄入洛輒經斯土則黃沙白草井里蕭條匪獨異於古所云也其視協揆公所誌昔年情形亦迥不相侔詢諸父老知牟地窪下屢為河逼幸賴聖天子軫恤民艱再四減賦以寬紓之民乃不至他徙而若煇於同治

中牟縣志

序

一。

中明德堂印

己巳來權斯邑其去榮工之塞甫數月耳瘡痍未起邛落邱墟亟欲索志考型宗前哲之撫摩為藐躬之箴臬吏白以髮捻交躡版佚無存乃借諸藏書家則自乾隆十九年後又失脩矣余益戚然曰微特棗梨灰燼莫資考鏡即存亦時歷百十餘年世殊事積其間名儒賢宦忠孝義烈未著於篇者何限不有以志之無以見此邦之蘊蓄者厚而自來賢有司之培植者深也幸秋小稔乃進紳耆而商補綴僉曰善此實前大尹歐陽公有志未逮量遷於葉期諸歸來者也今奉命敢不踴躍從爰即聚諸文士博采廣搜不憚煩瑣其有年遠代湮傳聞失據者上諸台司證以官



續仿先君子太守公刊脩平度州志義例與衡水友人焦子蕃明經編釐商訂反覆推研恒達旦不寐半載脫稿折衷於何夢廬前尹倉靜則廉訪節冗正譌前後十有三月而藏其事今將付剞劂應誌顛末以待後賢起衰振廢繼跡扶風若以殘畧不屬之作謂足供攷鑑備采風夫何敢然夫何敢然

清同治九年歲在庚午仲冬月錢塘吳若煊謹識



續脩中牟縣志銜名

編纂

前中牟縣知事  
河南高等法院書記官

主纂

桐柏縣熊紹龍

中牟縣縣長

偃師縣蕭德馨

前中牟縣縣長

脩武縣凌士英

前中牟縣縣長

陝西韓城縣薛正清

前中牟縣縣長

江西省鄧尉山

參訂

縣立民衆教育館館長

邑人李培芬

中牟縣志

銜名

一二

中明德堂印

開封河務總局秘書

邑人王希曾

倡脩

教育局局長

邑人宋子殷

前縣黨部委員

邑人朱光華

第二區區長

邑人閻紹精

商會主席

邑人蘇壽岑

救濟院院長

邑人王子久

第七區區長

邑人袁濟衆

前第六區區長

邑人張仁炳

前縣政府第一科長

汲縣趙佑巖



主任

教育局局長  
財務委員會委員長

編輯

教育局文書員

校對

教育局縣督學

繪圖

前新安 榮陽 洛陽 縣縣長  
北京 陸軍 測繪 學校 畢業

河南 地政 籌備 處 課員

事務

中牟縣志

銜名

一三

中明德堂印

教育局會計員

邑人 柴芳桂

書記

前第一女子小學校事務員

邑人 陳家琦

前縣立第一小學教員

邑人 婁和禮

採訪

河南第一區行政督察專員公署第四科主任

淮陽 葉湘梅

前縣政府第三科科長

脩武 閻子俊

教育局縣督學

睢縣 周宗文

第三區教育委員

邑人 朱濟陽

第五區教育委員

邑人 李印渠



開封私立女子職業中學校長

邑人倉辛蘭君

第七區教育委員

邑人孔慶辰

縣立中學校事務員

邑人張葆元

教育局辦事員

邑人喬登高

前第一女子小學校長

邑人萬周淑珺

辛寨初級小學校教員

邑人許壽慈

教育局辦事員

邑人王士賢

前苗圃圃長

邑人張羅英

前公款局局長

邑人李成溪

前教育局事務員

邑人賀錫齡

中牟縣志

銜名

一四

中明德堂印

前第一女子小學校長

邑人段文中

第一區立小學校長

邑人李培英

第一區區長

邑人李宗漢

第三區區長

邑人闕守經

第六區區長

邑人婁季倬

第五區區長

邑人李培薰

第八區區長

邑人張培楓

前縣黨部委員

邑人路守正

前滎陽縣政府第二科科长

邑人周樹楨

前第三小學校教員

邑人李繼統



第二區立完全小學校長

財務委員會書記

前自治籌備處主任

前建設局技術員

振務分會委員

董崗公立初級小學教員

警察所巡官

縣立女子小學校教員

前縣議會議員

前工業學校校長

中牟縣志

銜名

一五

中明德堂印

縣立短期義務學校教員

前民團團總

第一區教育委員

醫士

醫士

第四區教育委員

第五區孫庄公立初小校教員

前勸學所所長

縣立醫院西醫士

縣立醫院中醫士

邑人 閻文燦

邑人 段錦華

邑人 李國材

邑人 婁季儒

邑人 婁季脩

邑人 閻承典

邑人 呂宣武

邑人 吳允昂

邑人 許文壇

邑人 車書麟

邑人 呂馬淑慎

邑人 席全慶

邑人 段文卿

邑人 辛寓仁

邑人 王鴻昌

邑人 徐建勳

邑人 張汝翼

邑人 馬繩武

邑人 趙本立

邑人 李海文



縣立初級中學事務主任

邑人張國威

中牟縣志

街名

一六

中牟明德堂印



目錄

一天時志

星野圖說 氣候 祥異

二地理志

疆域 沿革 形勢 山川 城池 古蹟 邱墓

祠廟 里甲 集寨 橋樑 物產

三人事志

禮俗 教育 黨務 政治 兵防 征權 交通

河防 倉儲賑濟 名宦 鄉賢 藝文 雜錄

四圖考

中牟縣志

目錄

一七

中牟明德堂印

五附表



一天時志

星野圖說 圖見後

古高車氏火正祝融之區禹貢兗豫二州之域中牟豫次天文角亢分野史記角亢氏兗州房心豫州漢書地理志魏地觜觿參之分野其界自高陵以東盡河東河內南有陳留及汝南之名陵潁疆新汲西華長平潁川之舞陽鄆陵河南之開封中牟陽武酸棗卷又韓地角亢氏之分野今河南之新鄭及成臯滎陽潁川之崇高城陽唐書天文志用亢壽星也初軫十度餘八十七杪十四少中角八度終氏二度自原武營城濱河濟之南東至封邱陳留盡陳

中牟縣志

天時

一八

中牟明德堂印

蔡汝南之地管城即中牟宋史開封府及東京路得兗豫青徐之域當虛危房心奎婁之分天文分野中牟于十二支屬卯于二十八宿屬心

舊按中牟星野有主角亢氏者據左氏昭公傳云龍宋鄭之星也有主房心者據左氏子產實沈臺駘之論以參主晉以商主宋又據史記房心豫州也又有主觜參者據漢書地理志魏地觜觿參之分野也中牟舊隸鄭後屬梁如執梁地入房五度以統言之者即據入一邑大約以主蒼龍七宿為長而七宿中氏房為較切也至以觜參為主者因魏惠王徙都大梁獨不思惠王徙都而稱晉國溯其源耳





以徙梁稱晉即以晉之分星移入梁地豈不千載令人齒冷耶今仍列舊志所採諸條而復注其說云

今按郡志星野說大抵開封之域自原武管城而東至封邱陳留潁水之間太昊之墟俱為商元分其屬成居心者雍邱而東南接太昊之墟而接陳鄭云云因節二圖而繪於右以資參證

右係吳志採舊說而申以按語今姑兩存之以待專究天文學者研討而是正焉

### 氣候

中牟地處溫帶偏于內陸寒暑俱烈夏季最高溫度華氏表九十五六度冬季最低三十餘度酷熱時期在夏至立秋間奇寒時期在冬至立春間冬至前後凍冰封河間有流澌陰曆六七月為雨季河水時漲常年雨量多少無定

### 中牟縣志

天時

一九

中明德堂印

近年時苦亢旱縣境北部尤甚春時西北風起塵沙蔽天拔樹木揭屋瓦為害頗烈冬季多東北風夏季多東南風夏秋間若遇西北風輒起紅雲與塵霾水雹並至往往殃及田禾形成鉅災

### 祥異

周襄王二十七年饑 景王二十三年災

漢建初七年縣令魯恭便坐庭中嘉禾生蝗不入境 延熹八年夏四月河水清

隋開皇十八年大水

唐貞觀七年秋八月大水十七年黃河清 永徽六年大



水傷稼 開元二十八年十月水 廣德二年大水 興  
元元年熒惑守歲星在角亢 長慶元年七月戊午河水  
赤三日止

五代晉廣順三年大水

宋乾德二年蝗 紹聖元年水害稼

元延祐元年地震 泰定元年饑四年十二月大水 元

統三年七月大水 至正三年七月大水十九年五月蝗

明洪武五年蝗十四年七月河決二十五年決陽武浸及

中牟宣德元年七月黃河溢漂沒田廬無算 正統十三

年黃河決滄州固村民田一百五十餘頃 天順五年黃

中牟縣志

天時

二〇

中明德堂印

河北徙淹縣城坍塌聖水敏德原敦大郭等里民田共二  
百十七頃五十六畝 成化十四年雹大如拳十六年六  
月大雨大小河水盡泛二十年大饑二十一年大疫 宏  
治六年河水灌縣城九年秋城內池中生並頭蓮十五年  
地震 正德四年春大饑五年七月二十日晝晦 嘉靖  
元年正月朔戌時地震有聲二年十二月雷雨雹三年正  
月戌時地震四年八月十六日地震七年飛蝗蔽天田禾  
盡沒八年大饑九年河水泛漲城西田禾盡沒十四年四  
月十三日雷雨雹大如拳二麥盡傷九月十三日天鼓鳴十  
七年春大饑人相食十八年斗米銀二錢夏大疫十九年



麥秀雙歧二十年夏蝗蝻食禾盡秋大水二十一年七月  
朔午時日食晝晦見星二十六年五月五日大風霾二十  
八年大水二十九年大水三十年雨雹大如棗三十一年  
六月初八日大雨田禾盡沒三十二年七月二十四日戌  
時流星自南而北紅光如電二十八日寅時流星自東而  
北紅光如火二十九日天鼓鳴三十三年春大荒夏大疫  
民死甚多三十八年六月十五日黃河水溢至城淹沒沙  
淤民田溺死甚眾四十年四月十九日風雷大作雨雹大  
如鷄卵 萬曆六年彗星見於鄭野其長竟天十年蝗蝻  
傷禾十五年二月初三日地震有聲是年大旱十六年大

中牟縣志

天時

二一

申明德堂印

饑人相食大疫民死者過半十八年二月初三日黑風自  
朔地起晝晦二十一年大饑二十二年大饑二十四年蝗  
蓋寨等二十一里無蝗惟韓庄里板橋高黃里水瀆村瀆  
澤里魯廟白沙里蔣家衝大庄里蓼澤波等處最多四十  
一年大水四十七年大旱麥禾全無 天啟五年天鼓鳴  
於西南 崇禎五年西門外生並頭蓮六月黃河水決沒  
田禾六年河決水入城數日始落七年沙鷄自北而南千  
百成群十三年二月流寇至士民守城至夜狂風數過徧  
城鎗刀生火光射人十四年大饑人相食  
清順治二年大饑斗粟千錢人食草木四年黃河水決傷



稼十一年霖雨連月水災減地糧 康熙元年六月河決  
黃練集淹沒田廬無算城西南北三面皆水兼霖雨月餘  
城多崩缺冬萬勝鎮後白衣堂積水結冰花蔓延如蓮葉  
莖皆具市人聚觀傳以為異七年七月地震十二年蒲蘆  
亭枯槐復生三十二年六月蝗食禾殆盡十七日酉時天  
鼓鳴三十九年太白經天四十八年八月日食晝晦二十  
日戌時二星如碗大流西北天鼓鳴九月十二日地震十  
三日電五十三年大旱無麥禾六十一年三月十八日地  
震四月二十八日雨電大如拳 雍正元年六月河決十  
里店九月復決楊橋田禾盡沒縣城四周皆水二年十二

中年縣志

天時

二二

中明德堂印

月十五日大風晝晦夜西南天鼓鳴四年十二月初九日  
黃河清自陝西至虞城澄澈見底六年四月二十一日風  
雨大作城東雨雹七年秋大水八年秋大水沒田禾民饑  
食樹葉十三年八月十五日月有彩光

乾隆四年七月大雨七晝夜田禾盡沒城垣傾圮廬舍塌  
壞無數九年八月彗星出西南方十一年春大風秋大水  
田禾盡傷十二年五月二十一日縣東板橋南北數十里  
風雷冰雹秋大水田禾盡沒十三年二月初一日黃風自  
西北起晝晦夜見黃塵有火光如燈二十六年七月河決  
楊橋二十八年縣民邢印福妻楊氏一產三男四十年常



勇妻邱氏一產三男五十一年大饑

嘉慶十八年大饑餓殍滿野道殣相望二十四年十里店口河漫溢

道光元年五星聯珠十年三月地震十一年三月二十八日大雨雹是年春多怪風無麥十六年蝗十七年蝗二十三年四月太白經天月餘方沒六月朔日食既星見如夜人多顛仆六月二十六日河決李庄口東北一帶地盡成沙死人無算村庄數百同時覆沒七月天鼓鳴紅氣四塞二十五年秋禾大熟豆蔓至丈餘二十六年饑二十七年大饑三十年正月朔日食

中牟縣志

天時

二三

中明德堂印

咸豐二年蝗甚飛滿城中花木俱盡三年四月孛星見於西南五月十七日太平軍陷城七年蝗八年六月蝗食稼至盡壓覆茅屋九年蝗十年蝗十一年五月石上生花大如錢花鬚末綴小珠色灰藍七月孛星射斗八月初一日日月合璧

同治元年三月東匪宋景詩竄境四年北潘店麥秀三歧一穀兩粒十一月桃李皆花五年二月十五日皖捻張總愚竄境四月初七日黑風自朔方起瓦椽飛拆晝晦如夜八月十五日皖捻賴文洸至境十月初十日賴賊再至七年五月十二日雨雹尺餘竟有大如斗者田禾如削六月



黃河決滎澤十堡大溜抵境東西田禾盡沒十年城西南  
麥秀變歧北三官廟有三歧者 光緒二年旱三年三月  
二十八日黑風晝晦夏旱蝗大饑四年春大饑民鬻婦女  
流亡載道夏大疫死者枕藉八年八月日三環彗見東方  
長數丈十一年八月彗見東方十一月太白晝見夜流星  
如織十三年八月十三日鄭工河決大溜冲城湮沒廬舍  
無算十四年冬河工竣二十年十二月二十八日夜雷二  
十三年五月十三日地震二十六年正月十六日中有黑  
子七月熒惑入南斗十月日初昏有光如炬大如斗東南  
向墜二十八年六月地震三十三年六月賈魯河漫溢水

中牟縣志

天時

二四

中明德堂印

圍縣城七月熒惑入南斗三十四年六月熒惑入南斗彗  
見東方 宣統二年春彗見東方四月彗見西南三年四  
月太白晝見八月太白經天十一月熒惑守昴

民國元年秋大旱二年春旱夏五月霖雨連綿四十餘日  
三年正月二十日日三環四年夏蝗七月熒惑入南斗七  
年春旱夏蝗十一月桃李花八年夏賈魯河漫溢水圍縣  
城十一年三月初九日趙傑屯兵中牟夜襲鄭州十四日  
敗潰兵經縣東窰十五年正月十四日陝軍開駐縣城車  
站直軍來攻背城作戰十六日夜陝軍西逃直軍進城大  
肆搶掠夏五月現紅光十六年正月十一日直軍開駐城



鄉十餘師二十二日奉軍來攻戰數日直軍西退奉軍進  
城搶掠一空二月直軍擊退奉軍數日後奉軍復佔中牟  
三月東退四月西北國民革命軍騎兵經中牟赴開封十  
七年三月廟道會作亂十九年三月萬選才軍自西來侵  
主席韓復榘軍守中牟背城作戰三日夜韓軍東退八月  
初十日夜孫殿英軍由朱仙鎮西退沿路搶掠十二月馮  
玉祥軍由東西退十三日中央軍克復中牟夏旱蝗

右所紀錄自清光緒二年以前悉據舊志光緒二年  
以後災祲狀況牟人士多能記憶之但有佚遺無虛  
誣也如何應付而捍禦之道在綢繆於未雨往者已

矣來日大難握地方政權者其亦知所注意乎



